

آبونه شرائطی

داخلی، خارجی، مریرایچون
سنه لکی (۲۵۰)، آلتی آیلانی
(۱۳۰) غروشدور.

نسخه سی ۵ غروش،
سنه لکی ۵۲ نسخه در

اداره خانه

باب عالی جاده سنده دائره مخصوصه
اخطارات

آبونه بدلی بدهند

مسئله، وفاق آثار مع المنونیه
قبول اولنور: درج ایدلهین
یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ارباب

اتبعون اهدکم سبیل الرشاد

عدد: ۴۵۷

۱۴ جمادی الاولی ۱۳۳۸

پنجشنبه

۵ شباط ۱۲۳۶

جلد ۱۸

کتابخانه

کتابخانه

دینی، فلسفی، علمی، ادبی، سیاسی هفته لقی مجموعه اسلامییه در
صاحب و مدیر مسئول
باش مهر

اخطارات

ادرس تبه یلنده آیریجه بی
غروش کوندولمیدر

مکتوبلرک امضالری واضح
واوقوفناقل اولسی و آبونه صره
نومروسی محتوی بولنسی
لازمدر

ممالک اجنیه ایچون آبونه اولالارک
آدرسارینک فرانسزجه ده یازلمسی
رجا اولنور

یاره کوندولدیکی زمان نهیه دأر
اولدی و اضماً بیلدیرلمسی
رجا اولنور

غرائق مسئلہ سی حقندہ

دارالحکمة الاسلامیہ اعضا سندن راسم افندیك خطای عظیمی (۱)

- ۳ -

غرائق قصصی نقد و عقید مردود

دھا صکرہ قاضی عیاض بروجہ آتی مطالعاتہ دوام ایدیور :
 « جناب پیغمبر صلی اللہ علیہ وسلمک عصمتی ، وشو رذیلہ دن نزہتی
 اوزرینہ حجت قائم اولمش ، امت دہ بوندہ اجماع ایلمش در . بر کرہ حضرت
 پیغمبرک آلہ مشرکینک مدحنی متضمن آیت نازل اولمش تمیسنده بولونمش
 کفر در . شیطانک قلب نبی یحاکم اولہرق قرآندن اولیان شیئی قرآندن
 کبی کوسترمش و جبرائیل علیہ السلام خبر ورنجیہ قدر جناب نبی نک
 القاء شیطانی فی فرق و تمیز ایدہ میہرک وحی الہی اعتقاد ایلمشی کبی
 ہذیانک ہیسی دہ حق پیغمبریدہ منتع در . جانب الہیدن اولدینی حالہ
 عمدآ کندیسنک بوسوزلری سولمش دہ کفر در ، افتراء علی اللہ در . سہوآ
 سویلہ مش اولمش دہ جائز دکدر . چونکہ جناب نبی بونلرک ہیسندن
 معصوم در . پیغمبریمزک لسانی و یاقلی اوزرینہ کرک قصدا ، کرک سہوآ کفر

(۱) غرائق حقندہ برنجی مقالہ منری بازار ایکن خواجہ راسم افندی نک
 بوخطای عظیمی آکلایہرق اعتراف قصور ایدہ چکی امیدنی اظهار ایتمش ایدک .
 فی الحقیقہ برنجی مقالہ منر انتشار ایدوب دہ ایکنجیسی مطبعہ یہ ویرلدیکی ائنادہ
 ۲۰ کانون ثانی سنہ ۳۳۶ تاریخلی علمدار غرتہ سندنہ خواجہ راسم افندی نک
 اعتراف واستغفارینی اولودوق .

خواجہ راسم افندی نک اولکی مقالہ سندنہ کی افادہ لری قصہ معہودہ قبول
 ایدلکجہ سورہ جحدہ کی آیتلرک توفیق ایدیلہ میہ چکی طرزندہ ایدی . کندیس
 توفیق ایدہ مدیکی کبی ، محققین مفسرین طرفندن پاییلان توجہی دہ آکلایہ مدینی
 سولیوردی . صولہ مقالہ سندنہ ایسہ پائمش اولدینی خطای عظیمہ مطلع
 اولدینی اعتراف ایلمہ روحانیت نبویہ دن عفولر استعطاف ایدیور .

معافیہ راسم افندی نک اعتراف واستغفار ایلمہ بزم وظیفہ منر بیتمش
 دکلدز . بز مسئلہ نک ہرجہتی تحقیق ایدہ جکزی اولجہ وعدہ ایتمش اولدیندر
 جہتلہ وظیفہ منرہ دوام ایدہ جکز .

راسم افندی نک اعتراف خطا واستغفانی

اجلہ ناقدین قصہ غرائق کعدم نبوتی بیان ایلمش وسیر نبویہ بی عامیلہ
 یازمش اولان محمد ابن اسحق قصہ نک زنادقہ طرفندن موضوع اولدینی سویلہ مش
 وسورہ جحدہ کی آیتلرک انزال شیطانک اولیاسنہ القام شہبہ الہمیہ سی ووشہبہ لرلہ
 اولیای شیطانک حضرت پیغمبرہ لارشی مجادلہ یہ قیام ایتسی اوزرینہ قلب
 رسالتیناہیہ عارض اولان حزنی ازالہ ایچین اولدینی مفسرین کرام حضراتی
 بر تفصیل بیان ایلمش اولدینہ اخیراً مطلع اولدیندن اولجہ یازمش اولدین
 مقالہ نک طاربرزماندہ آزر مطالعہ اللہ یازمش اولدینی اخطار ایلمہ اعتذار و مجاہدین
 بری طرفندن سویلہ نیلمش اولان : « لبس الحال علیہ السلام للتأدیب حیث تمی
 ایمان الکمل - وحرص علیہ ولم یکن مراد اللہ تعالی » قولینہ استناداً افضل الانبیاء
 (ص م) افند منرہ ہرصلہ زلہ نسبت ایلمش بولوندیندن طولای مع التأسف
 زلہ نک کندمدن صادر اولمش اولدینی اعتراف و روحانیت نبویہ دن عفولر استعطاف
 ایلمر .

چونکہ بالفرض والتقدير وقعہ معہودہ ثابت اولسہ بیلہ شان رسول ثقلین
 بنہ زلہ شائبہ سندن بریدر . زیرا معنی ایمان کل ، زلہ دکل ، بلکہ برفضیتندر .

احمد راسم عون

عالم اسلامک ساحۂ غربیہ سندنہ طلوع وافولی تصویر ایدن بومثالک
 بر شکل دیکری دہ ساحۂ شرقیہ سندنہ رونما اولمشدر .

(الجزیرہ) نک صحاری واسعۂ فیض وبرکتی ایکی طرفدن تنیہ
 ایچون قوجاقلایان ایکی نہر عظیمک ساحۂ زراعتندہ تأسیس حکومت
 ایدن (عباسیلر) دجلہ نک ساحل احتشامندہ بنا ایدیلان (زورا) بلدہ
 طیہ سنی مفرسلطنت اتحاد ایتدکری زمان ، ینہ معالی اسلامیہ ومحاسن
 اخلاقیہ دستور حرکت ایدی .

بو دستور علویت سایہ سندنہ اوقطعۂ فیضانک اولیلہ بر حال تکملہ
 واصل اولمش ایدی کہ سمانندن بشقہ غیر مزروع ساحہ سی قالممش و ۴۰
 ملیون نفوسک دبدبہ کاه سعادت ، مفر مدینتی اولمش ایدی .

جامعۂ اسلامیہ نک مرکز مبجل اولان زورا (بغداد) جہانک
 برکتبخانہ کالی و شرقک کعبۂ اقبال و آمالی طائمش ایدی .

ایام اقبال واجلالندہ دائرۂ اخلاقہ فساد سوقایان ملتلر زوالدن
 مصبوندر ، دستوری الک چوق عقلای اسلامیہ نک بیلدیکی اساسات
 علویہ دن اولدینی حالہ بو اساسہ (حکومت عباسیہ) رجالی مراعاة
 ایدہ مدی .

مولد الرذائل اولان (سفاهت) اخلاق فاضلہ یی تخریبہ باشلادی .

اجراآت حکومت دساتیر علویہ یہ ناموافق بر شکل آلدی .

فساد اخلاق ابن عاقبہ لر طوغوردی . اقصای شرقدہ ظہور
 ایدن طوفان بحبوسیتک پیشکاه استیلا سندنہ طوران حکومت اسلامیہ نک
 توحید قواسنہ مرکزک اہتمام نامی اقتضا ایدرکن حکومت مذکورہ نک
 یکدیگریلہ بوغوشمش بی طرفانہ تماشا ایدلای .

اصول جلیلہ اسلامک اہمال ایدلشی مجازات عظیمہ یہ بادی اولدی .
 اقصای شرقدن قوبان طوفان عظیم اوکندہ کی متفرق قوتلری احما
 ایدہ ایدہ تا بغدادک دلنشین کاشانہ لرینہ قدر کلدی طایاندی . اورادہ
 سنہ لرک محصول مساعی تمدنی اولان آثار عالیہ تخریب ودجلہ دماء
 معصومۂ بشریتلہ تلون ایدلای . بونلرک ہیسی فساد اخلاقک جزای
 سزاسی ایدی . (عمر بن الخطاب) ک اون سنہ ک بر مدت وجیزہ دہ
 شہر عنوانہ لایق بیک بلدہ یہ رکز لوای ظفر ایتسی ومکدن چیقان
 اردوسنک ماوراءالنہردہ باب الاوابدن کچہرک ہندستانہ کیرمسی اصول
 و اخلاق اسلامیہ دہ کی یکتالغہ محمول اولدینی کبی حکومت عباسیہ نک
 فلاکت معروضہ سی دخی عکس قضیہ یہ تابعدر .

یالکیز انتظام و یا فساد اخلاقک منفعت ومضرتی عمومیتہ تابع بر
 مسئلہ اولدیندن اصول غربیہ جہ بوبایدہ شرف ومسئولیتک اشخاص
 محدوددن زیادہ انسال عصریہ راجع اولمش اقتضا ایدرسدہ شرق
 ایلمہ غرب آرمسندنہ کی تفاوت عمومیہ نظرآ شرقدہ شرف ومسئولیت
 امرایہ توجیہ اولنق قاعدہ در .

عبدالعزیز مجدی

جریان اینه به جکی، ذات رسالت پناهیلرینک بوندن تمامیه معصوم اولدینی براهین قطعی و اجماع امتیه ایله ثابت در. كذلك ملکک القا ایله دیککی شی ایله القاء شیطانی بی تمیز ایده میهرک بونلری یکدیگرینه قاریشیدیرمسی؛ یا خود شیطانیک ذات بو پناهیلرینه قرآنه بکزر برشیلر القایه یول بوله بیلیمش اولمسی، ازال بیور مدینی برشیتی - قصداً و یا سهواً - الله اسناد ایتسی کی رذیلته هر بریسندن منز و معصوم در؛ ایشته قرآن: «ولو تقول علينا بعض الاقاویل لاخذنا منه باليمن ثم لقطعنا منه الوتين... اذا لا ذقناک ضعف الحیوة و ضعف الممات ثم لا تجدناک علينا نصیراً».

ثانیاً: - «غرائیق قصه سی نظراً و عرفاً مستحیل در. اوت، اکر روایت اولوندینی کی بویه برکلام اولسه یدی بو، رابطه و انسجامدن محروم، یکدیگرینه متناقض، برطرفی مدحی، دیگر طرفی ذمی متضمن، خلاصه برطاق جملات مختلفه و متناقضه دن عبارت اولور، و بو قدر متناقض، اولان برکلام هم حضرت پیغمبرک، هم اوراده حاضر بولتان جماعت مسلمینک، همده صنادید قریشک نظرندن قاجش اولوردی. حال بوکه السطحی نظرلردن بیه قاجاق احتمالی اولمایان برشی ناصل اولورده فصاحت و بلاغتده او قدر یوکسلمش اولان نظرلردن قاجور؟ بو ممکن می در؟

ثالثاً - معلوم درکه: منافق، معند مشرک ایله ضعف قلب اصحابی بعض جهله مسلمین اوافق بهانه لرله بردن بره رسول اللهک باشندن طاغیو برلردی. رسول الله دشمن اولانلرک اهمیتسز بر مسئله یی سرمایه مقبال اتخاذ ایدرک مسلمانلر آرمسند فتنه و فساد چیقارمایه چالیشیلر، زمان زمان اومسله یی دیلرینه دولایرق مسلمانلری رنجیده ایدمک حرکتلرده بولورلردی. اظهار اسلامیت ایدوبده هنوز قلبلرنده مرض کفر و الحاد اولانلرکک اوافق برشبه ایله ارتدار ایتدکلری ده معلوم در.

حال بوکه غرائیق قصه سند هینج کیسه بویه برشی حکایه ایتدی. اکر بویه برشی واقع اولسه یدی، شبه یوق که مشرکین قریش بونکله مسلمانلره صولتده بولونه جقلر، یهودیلرده بونی مسلمانلر علیه بر حجت اوله رق استعمال ایدمککلردی. ناصیل که «قصه اسرا» ده مکابرة بویه یا بمشاردی... اکر بویه بروقه اولمش اولایدی بوبلیه دن دهاییوک برفته متصور دکلدی. بووقه نیک امکان وجودی اولایدی دشمنلرک فتنه و فساد چیقارملری ایچون بوندن شدتلی برشی تصور ایدیه بیلیرمی ایدی؟ حال بوکه بو قصه حقیقه نه معاندلردن برکله صدور ایتدی، نه ده بووقه سبیل بر مسلمانک اغزی آچیلدی. بناء علیه بوده دلالت ایدیور که غرائیق، اصل و اساسدن عاری، باطل بر قصه در. بو حدیثی بعض شیاطین الانس و الجنک بعض مغفل محدثین اوزرینه - بونکله ضعیف مسلمینی تلیس ایتک ایچون - ادخال ایتمش اولمسند شک یوق در.

رابعاً - بو قصه نیک راویلری: «وان دادوا لیفتنونک عن الذی

اوحینا الیک لتفتری علینا غیره و اذا لاتخذوک خلیلاً. ولولا ان ثبتناک لقد کدت ترکن الیهن شیئاً قلیلاً... آیت کریمه لرینک ده، بو قصه حقیقه نازل اولدینی ذکر ایدیورلر. بو آیتلر ایسه اولنرک روایت ایتدکلری خبری رد ایتکده در. زیرا الله (جل شأنه) طرفندن خبر و یریلدور که: اولنر رسول اللهی - معبودلرینی ذم ایتمک صورتیه - جناب حقه قارشی افترا ایتدیرمه به چالیشیورلردی. فقط جناب حق رسولی تثبیت ایلدیککی جهته اولنره دوغرو اوافق بر تمایل بیه کوسترمدی. والحاصل، آیت کریمه نیک مضمون و مفهومی جناب حقک نیسنی وحی ایتدیککی برشی سولمکدن محافظه، اولنره قارشی الک اوافق بر تمایله بیه بولونمایه حق صورتده تثبیت ایله دیککی کوستریر.

حال بوکه قصه غرائیقک راویلرینک اخبار واهی لرینه کوره رسول اکرم مشرکینه میل، و آلهه لرینی مدح ایتک صورتیه افتراء علی اللهه یلک زیاده ایلری کیتمش؛ و (افتريت علی الله و قلت ما لم یقل) دیمش؛ (انسان، آیت جلیله ایله طبان طبان ضد اولان بو خرافه لرله قارشی نه دییه جککی شاشیربور. عصمنا الله)

غرائیق حقیقه کی حدیثک صحیح فرض ایدلسه بیه رسول الله اسناد اولتان بوسوزلر اونی تضعیفه کفایت ایدردی؛ زرده قالدی که اساساً صحیح ثابت دکلدی. بو آیت کریمه ذکر ایدمککمز شو آیت جلیله ده کی قول آلهی به بکزر: «ولولا فضل الله علیک و رحمته له مت طاقة منهم ان یضلوك و ما یضلون الا انفسهم و ما یضرونک من شیء...» امام قشیری ایله ابن الانباری نیک روایتلرینه کوره قریش جناب پیغمبردن بردمه اولسون آلهه لرینه توجه کوسترمسی رجا و بونی یا بدینی تقدیرده کندیسنه ایمان ایدمککلری وعد ایتدیلر سده، جناب پیغمبر بونی یا بدینی کی اوافق بر تمایل ده کوسترمدی. (دینکک اساسی توحید الهی تشکیل ایدن بر پیغمبرشبه یوق که بویه بر تمایل کوسترمزدی. عقل و منطق بونی اقتضا ایدر.)

قاضی عیاضک اقادات مدققانه لرینه بوراده نهایت و یربورز. فی الحقیقه مشارالیه بوندن صکره بوروایتلرک توهین و تکذیبی ایچین بیک جوق شیلر ایراد ایتکده ایسه ده اولنردن صرف نظر ایدلمشدر.

احمد مفسریمده فضالیه رازی مفسرینلرینک بومسئله دایر تحقیقات حکیمانه ری: شمعی برده تفسیر کبیر صاحبی فخرالدین رازی حضرت تریله بومسئله دایر اولان تحقیقات عالمانه و حکیمانه لرینی کوردم. حکیم مشارالیه قصه مرویه یی ذکر ایتدکدن صکره دییور که: «اهل تحقیق بوروایتک باطل، اویدورمه اولدینه قائل اولمشلر و بونی ده قرآن، سنت، و دلائل عقلیه ایله احتیاج ایتمشلردر. بو قصه نیک باطل و موضوع اولدینی اثبات ایدن آیات قرآنیه بروجه آتی در:

۱ - «ولو تقول علينا بعض الاقاویل لاخذنا منه باليمن ثم لقطعنا منه الوتين».

واصنامی تعظیم و مدح ایله دیکنه قائل اولمق کفر صریح دره بالضروره معلوم بر حقیقت در که رسول الله کذب و سب و اوثان و اصنامی قالدیروب آتمق ، اونلری طعن ایتمکدی .

اوثان و اصنامه عبادتک کفر صریح اولدینی سویله مک ، بونلره عبادتدن شدتله نهی ایتک ، اونلری پارچه لامق و وظیفه سیله مکلف بولنان بر ذات ناصل اولورده و اصنامی مدح ایدر ؟ بر طرفدن ذم ایدر ایکن دیگر طرفدن تعظیم ایتک هانکی عاقل حقنده تصور اولور ؟ ...

ثانیاً : — مشرکین قریشک رسول الله اولان خصوصتلی او قدر بیوکدی که ، ایشک کنه و حقیقتنه واقف اولمق سزین بوقدر حق بر قرآنله اقرار ایدیورملری ممکن دکل در . بده قالدی که آلهلری تعظیم ایتدیکنه اجماع ایتسونلرده بوندن — آلهلری مدح و ثنا ایتدیکنه قانع اولدقلرندن — طولای اونکله برابر سجده قیاسونلر ؟ شونکله برابر که رسول اکرمک موافقی — بعدما معبودلری ذم ایتجه چکی — کندیلرنجهده ظاهر اولامشدی .

ثالثاً : — « فینسخ الله ما یلقی الشیطان ثم یحکم الله آیاته » قول شریفی ده بوقصه بی تکذیب ایتمکده در . چونکه جناب حق ، بآیت کریمه ایله شیطانک القاسی نسخ ایدوب کندی آیاتی احکام ایلدیکنی خبر ویریور . شیطانک القا ایله دیک شئی رسول اکرمدن — هیچ صدور ایتمکسزین — ازاله ایتک صورتیله آیاتی احکام ایتسی ، شبهه یوق که ، صدور ایتدکلن صکره اونلری نسخ ایتک صورتیله احکام ایتسندن دها قوتلی در . زیرا ، ایکنی صورتده شبهه ینه باقی در . جناب حق قرآندن اولیان برشینک قرآنه بکزمه مسی ایچون آیاتی احکام ایتدی مراد ایدنجه ، شیطانی بدایه بوندن منع ایتسی — رسول اکرمه قارش بویه بر القا و وسوسه به اقتدار ویرمه مسی — اولی بالطریق دکلی در ؟ .

رابعاً : — (رازی به کوره وجوه عقلیه ناک القوتلیسی ده بودر .) اگر بی دن بویه برشینک وقوعی تجویز ایدلسه یدی ، اونک شریعتندن امان مرافع اولور ، و احکام و شرایعک هر برینسک بویه اولسی ده تجویز ایدیلر . بو تقدیرده « یا ایها الرسول بلغ ما انزل الیک من ربک وان لم تفعل فابلغ رسالتک و الله یمصک من الناس » قول الهیسی ده باطل و معاسز اولوردی . چونکه وحی الهیدن نقصان ایتمکله — اللهک سویله مش اولدینی شیردن بعضیلری کیزله مکله — اونده زیاده قلمق — سویله مدکلری سویله مک — بیتنده عقلا هیچ بفرق یوقدر . (هر ایکیسی ده افتراء علی الله در .)

فخر الدین رازی حضرت تلی « بوجوه مختصره ایله قصه ناک موضوع اولدینی آکلاشیلیور ، دیدکلن صکره غرائق قصه سی حقنده کی خبرک واحد اولدینی ، خبر واحد متواتر اولان دلائل ثقلیه و عقلیه به معارض اولامایه جفنی سویلیور و بوقصه به ماند بوتون احتمالاتی نظر دقته آلهرق شو صورتله مسئله ناک تفصیلنه کیریشیور : « تمی لغنده ایکی مضایه کلیر ، بریسی تمی قلب ، دیکری ده قرائت در آیت کریمه ده کی

۲ — قل ما یكون لی ان ابدله من تلقاء نفسی ان اتبع الا ما یوحی الی . [۲]
۳ — وما ینطق عن الهوی ان هو الا وحی یوحی = سویله . دیک شیلر هوی دن ، کندیسندن دکل ، آتجق وحی الهی در . ، جناب حق قسم ایله باشلادینی بوسوره جلیلهده رسولنک کندیسنک وحی ایله دیکندن باشقسنی سویله مدیکنی خبر ویریور . اگر بو آیتک عقینده « تلك الغرائق ... » عبارلری اوقومش اولسه یدی فی الحال اللهک کذبی ظاهر اولمش اولوردی (تعالی الله عن ذلك علواً کیرا) بویسه هیچ بر مسلمانک سویله میه چکی برشی در .

۴ — وان کادوا لیفتنونک عن الذی اوحینا الیک لتفتی علینا غیره واذالاتخذوک خلیلاً .

آیت کریمه کوستریور که : مشرکین قریشک بوباده کی سبی و غیرتلی بوشه چیقدی ، پیغمبری کندیلرینه اماله به مقتدر اولامدیلر .

۵ — ولولا ان یتنک لقد کدت ترکن الیه شیئاً قلیلاً .

آیت کریمه ده کی (لولا) کلمه ناک دلالتندن بک واضح اولهرق آکلاشیلیور که : مشرکین قریشه قارش جناب پیغمبر طرفندن میل قلیل بینه واقع اولامش در . بناءً علیه اصنام و اوثانی مدح ایتمش اولدینه قائل اولمق ، صراحت قرآنی به مخالفدر .

۶ — كذلك لثبت به فؤادک .

۷ — سنقرنک فلا تنسی [۳] .

سنتدر انجم کلیمه . — سیرت نبویه بی جمع ایدن محمد بن اسحق بن خزیمه که امتک تمامیه مظهر اعتمادی اولمشدر بوقصه دن سؤال اولنیور : جواباً : « هذا وضع من الزنادقة = بوقصه ، زندقلر طرفندن اویدورولمش در » دیور . و بونک بطلانی حقنده مستقل بر کتاب تصنیف ایدیور . امام ابو بکر احمد ابن الحسین البیهقی ده بوقصه من جهة النقل ثابت دکل در ، دیور . صکره بوقصه ناک راویلرینک مطعون اولدینی سویلیور . دها صکره ، امام بخاری حضرت تلی صحیحنده جناب پیغمبر صلی الله علیه وسلم افندمن « والنجم » سوره سنی اوقودینی وقت مسلمانلرک ، مشرکلرک انس وجنک سجده ایتدکلری روایت ایدیور . فقط اوراده غرائق حدیثی یوقدر . رسول اکرم افندمنک « والنجم » سوره سنی قرائی ، او اثناده مسلمین و مشرکینک سجده لری حقنده کی حدیث ، طرق کثیره ایله روایت اولوندینی حالده بونلرک ایچنده قطعاً غرائق حدیثک موجود اولامسی ده کوستریور که بوقصه من جهة النقل ثابت اولمایوب صکره دن اویدورولمش برشی در .

دلائل عقلیه : — بر کره ، رسول اکرم صلی الله علیه وسلمک اوثان

[۲] حبیب ، کندیلرینه قرآن تلاوت اولوندینی زمان ، « بزه التهللری لوم و تعیب ایتمین باشقه بر کتاب کتیر ، یاخود بعض آیتلری تبدیل ایت . » ده بن مشرکله دی که : « ثم ایچون قرآنی کندیلرکدن تبدیل ایتک اولاماز ؛ چونکه بن ، آتجق کندیه وحی اولنانه اتباع ایدرم »

[۳] آلتجی آیت ، قلب رسالتیناهیلری جناب حقک تثبیت ایله دیکنی ، بدنجی آیت ده کندیسنه وحی بیورولان شیردن هیچ بر شئی اوتوئادینی افاده ایدیور .

اخوت اسلامیہ نیک انکشافی

کچنلر دے غریبک اک مشہور واک نفوذلی غزۃ لرندن بری ، اخوت اسلامیہ نیک بوکونکی تظاهرات انتباهی ، و عالم اسلامک سیاست جهانی تقابلیہ مقتدر جانی بر قوت حالندہ کورونمسی استغراب ایله تدقیق وملاحظہ ایتیش ، بونک اوتوز سنہک بر عمره مالک ، یعنی مرحوم عبدالحمید خان ثانی ایله خلفلرینک اثر تحریکاتی اولدینگی تخمین ایلشدی . طبیعی ، بوفکری درمیان ایدنلرک حالت فکریہ لرینی ، مسلمانجه دوشونمکله غرب قفاسیلہ دشونمک آره سندن کی فرق نظر اعتبارہ آلمق اقتضا ایدر .

هیچ بر غریبی اخوت اسلامیہ بی ، حقیقیلہ ادراک ایدم من . چونکه غریبک باشندن کچن تجربه لر بویله بر حقیقی انکاره سائق اولمقدہ در .

اونک روح منفعتی شرقی روحک ، هر منفعتک فوقندہ ومنفعتک بتون شوائندن منزہ بر معبود حقیقی ایمان و عبادتی وغریبک طایندینی صنم منفعتی استحقار ایتدیکنی ناصل اکلا بیلیر ؟ اکلارسه ناصل اینانیر ؟

حال بوکه بزم دینیز ، مدنیتیز ، حیات اجتماعیہ من هب بو حقیقت باهری اثبات ایدیور . غرب بونلری کورمیورمی ؟ هیات ! ..

تایمس غزۃ سنک ، اخوت اسلامیہ نیک بوکونکی تظاهراتی اوتوز سنہک تحریکاتک نتیجه سی اوله رق تلقی ایتسی غریبک بزم حقمنزدہ نه قدر سطحی معلوماتی حائز اولدینگی اثبات ایدن بروثیقہ در . عصرلردن بری غرب ایله تماس ایدیور . عصرلردن بری غریبک کاشفری ، عالمی ، سیاسی دیار اسلامی بقعه بقعه علملریله ، قنریله ، دهالریله طاریور ونهایت غریبک تحکمی آلتندہ یاشیورزدہ حالا اومتندن ، اومتور غرب ، روحزک اسرارینه ذره قدر نفوذ ایدم میور ، بزی آکلامق وزملہ آکلاشمقندن یک اوزاق اولدینگی اک قطعی دلیللرله کوستریور . عصرمزک یک مبذول اولان وسائط تعارفی شرق ایله غربی بر برینه طاینتیقندن عاجز . غریبک تفوق مادیسی ، غرب ایله شرقک تماس ومناسباتی اخلاص ایدیور . شرق ایسه اوزون سوزون دورہ انحطاطنه قطعی بر ضربه ایتدیرمیدی . ایکی عالم آره سندن موازنک تأسس ایدم مہمسی یوزندن بزم عائد اولان حقائقک وحقائق مقدسہ نیک تعمیق وتدقیق جدی بر اعتناہ مظهر اوله میور .

ایشته اخوت اسلامیہ کی اسلامک اک بویوک حقیقی دہ بو اہمال استخفافکارانہیہ معروض قالدیغندن سیاسی پروپاگاندا لریک تصنیعاتندن عد ایدمکدہ واکا اوتوز سنہک بر حیات قانیہ اطاره اولونمقدہ در . نه قدر فاحش برخطا !

اخوت اسلامیہ بوتون مسلمانلرک بر اللہ ایمان انجملہ توحید وجدان ایتہ لرندن طوغشدر . امت اسلامیہ ، نص قرآن ایله برأمت واحده در . اللہ ایمان ایدن هر مسلمان قرآنک کتاب الہی اولدینہ

(الا اذا تمی) یہ (قرأ) معناسی ویروب دہ جناب پیغمبرک انسانی قرائتندہ «تلك الغرائق العلی» عبارہ لرینک واقع اولدینہ قائل اولانلر بونک کیفیت وقوعندہ اختلافہ دوشمشارددر . بناءً علیہ بو وجوه مختلفہ نیک هر برینی نظر دقہ آله رق قصہ بی تحایل ایتک ایستہ یورز .

برنجی وجه : بونلردن بعضلری دیورلرک : «تلك الغرائق العلی» عبارہ لرینی پیغمبر سوبله مدیکی کی ، شیطان ویا باشقہ بر کیمسہ دہ سوبله مش دکلدر . شوقدرک رسول اکرم «والنجم» سورہ سنی اوقویونجه کفار قریش ، سورہ ناک بعض الفاظی «تلك الغرائق» عبارہ لرینہ بکیزتدیلر ؛ اویله ظن ایتدیلر . چونکہ بعض کلماتی سوبله نیک شکلک غیرینسندہ توهم عادات جاریہ مقتضاسندن دیر

مسئلہ نیک بوشکلندہ جریان ایتیش اولسی بر قاج وجهلہ مردوددر : اولاً ، بوکی یلر دہ توهم ، آنجق سماعی معتاد اولان شیلر دہ صحیح در . غیر مسموعندہ بویله برشی هیچ بروجهلہ واقع دکلدر . ثانیاً ، اگر بویله اولسیدی ، بو توهم بعض سامعین حقندہ واقع اولوب دیگر بر قسمی حقندہ واقع اولمازدی . چونکہ آن واحده فاسد بر خیال اوزرینہ برجم غریک اتفاق ایتیش اولملری عادهً ممنوع در . بویله برشینک وقوعی یوقدر . ثالثاً ، اگر بویله اولسیدی القالمک شیطانہ مضاف اولماسی لازم کلیدی . بناءً علیہ وقعه نیک بو صورتلہ جریان ایتیش اولسی صحیح دکلدر .

ایکنمی وجه : بو قصہ بی روایت وقبول ایدنلردن بعضیلری دہ شوبله دیور :

«تلك الغرائق ...» سوزی شیطانک کلامی در ؛ وبالذات شیطان سوبله مشدر . جناب پیغمبر آیات قرآنیہی تلوات ایدرکن توقف ایتدیکي انادہ بو عبارہ لر - سامعینہ بو کلماتک دہ کلام رسولدن اولدینگی ظنی ویرمک مقصدیلہ - شیطان طرفندن تلفظ اولوندی . چونکہ شیاطین وجنک متکلم اولدقلرندہ خلاف یوقدر . بناءً علیہ رسول اللہک صداسہ بکزمین بر صدا ایله شیطانک بو کلماتی - پیغمبرک انسانی قرائتندہ - تکلم ایتیش اولسی ممنوع دکلدر . حاضرین رسول اکرمک صوتہ بکزمین بر صوت ایله اوکله لری ایشیدوب دہ باشقہ بر شخص کورمینجه اونلری دہ رسول اللہک کلامی ظن ایتدیلر . [بونلرک زعملرینہ کورہ بو کلام ، فعل رسول اولدینگی ایچون کویا نبوت حقندہ بر نقیصہ دکل ایتیش . محاکمہ یه یاقکز !]

قصہ نیک بوشکلندہ وقوعی دہ صحیح دکلدر . چونکہ رسول اللہ صلی اللہ علیہ وسلمک اثناء قرائتندہ - بوتون سامعینک کلام رسولدن تفریق ایدمیه جکلری بر طرز دہ - شیطانک تکلم ایدمیه جکی تجویز ایدمیه جک اولور دہ رسول اللہک سوبله دیکي هر شیدہ بو احتمال باقی در ، بو ایسه شریعتک دینندن وثوق واعتمادک ارتفاعنه مؤدی اولور . بناءً علیہ بویله برشین عقل تجویز ایدم من ؛ بو عقلا ممنوع در .

آقسه کیلی

بیتدی

احمد محمدی